


javakhk1913@gmail.com



487

ման եւ դրա արդիւնքում կազմատրուած Սամցխէ-Ջաւախքի նահանգի հետ:

ՎԱՐՉԱՏԱՐԱԾՔԱՅԻՆ ԲԱԺԱՆՄԱՆ ԳՈՐԾԸՆԹԱՅԸ ՅԵՏԻՍՈՐՀՐԴԱՅԻՆ ՎՐԱՍՏԱՆՈՒՄ

1993-95՝ տեղի ունեցաւ Վրաստանի տարածքային բաժանման գործընթացը: Վրաստանը բաժանուեց 11 երկրամասերի (նահանգների).- Աբխազիա, Աջարիա, Գուրիա, Իմերեթի, Կախէթի, Մցխեթա-Մթիանեթի, Ռաջա-Լեչխումի եւ Քուեմօ (ստորին) Սուանեթի, Սամեգրելոյ-Չեմոյ (վերին) Սուանեթի, Սամցխէ-Ջաւախեթի (Սամցխէ-Ջաւախք), Քուեմօ (ստորին) Քարթլիի, Շիդա (ներքին) Քարթլիի: Եւ, քանի որ 24 Օգոստոսի 1995ին ընդունուած Վրաստանի սահմանադրութեան մէջ այդպէս էլ չլրացուեց երկրի կառուցուածքի (հետեւաբար նաեւ՝ վարչական բաժանումների մասին) գլուխը, նահանգային այս բաժանումները այդպէս էլ չստացան իրաւաբանական ձեւակերպումներ: Պատճառը հասկանալի էր՝ Վրաստանը դեռեաւ չէր կարգաւորել իր յարաբերութիւնները փաստացի անջատուած Աբխազիայի, ինչպէս նաեւ Աջարիայի ու Հարաւային Օսեթիայի հետ:

Եթէ ներկայումս Վրաստանը, թէկուզ ձեւականօրէն, Աջարիային շնորհել է որոշ ինքնավարութիւն, իսկ Աբխազիային գոնէ հեռակայ կարգով տրուած է լայն ինքնավարութիւն, ապա այլ է Հարաւային Օսեթիայի պարագան. վերջինիս ճակատագիրը Վրաստանի կողմից առայժմ թղթի վրայ որոշուել է հետեւեալ կերպ. դեռ 1993-95՝ տեղի ունեցած երկրի վարչատարածքային բաժանումների հողի վրայ մասնատուեց նախկին Հարաւօսական Ինքնավար Մարզը, որի մեծ մասը հարաւային վրացական միջանի շրջանների՝ Խաշուրի, Քարելի, Գորիի եւ Կասպիի հետ մտցուեց Շիդա Քարթլի նորաստեղծ նահանգի մէջ, իսկ ինքնավար մարզի արեւելեան շրջանները մտցուեցին մէկ այլ՝ Մցխեթա-Մթիանեթի նահանգի մէջ: Հարաւային Օսեթիայի՝ Վրաստանին ենթարկուելու դէպքում վերջինիս սպասում է մասնատում, երբ թղթի վրայի այս որոշումը կը դառնայ իրականութիւն:

Վրաստանի նահանգային այս բաժանումը իր բովանդակութեամբ շատ նման էր Զարական Ռուսաստանի ժամանակաշրջանում Արեւելեան Հայաստանում, ինչպէս նաեւ վրացաբնակ ու կովկասեան թաթարներով բնակեցուած մի շարք շրջաններում կատարուած վարչական բաժանումների: Վրաստանի ղեկավարութեան կողմից եւ երկրի վարչական բաժանումը իրականացուեց ոչ թէ ազգաբաշխական յենքի վրայ, այլ ճիշտ հակառակը՝ փորձ արուեց հենց նշեալ գործընթացը գործիք ծառայեցնել երկրի մի շարք տարածքներում հոծ բնակչուղ մի շարք ժողովուրդների

վարչատարածքային իմաստով մասնատելու եւ, դրանով իսկ, արհեստականօրէն ստեղծուած նոր նահանգներում տուեալ էթնիկ տարրի (տեղաբնիկ ժողովուրդներ եւ ազգային փոքրամասնութիւններ) թուային տեսակարար կշիռը նուազեցնելու:

ՎԱՐՉԱՍԱՐԱԾՔԱՅԻՆ ՆՈՐ ՓՈՓՈԽՈՒԹԻՒՆՆԵՐԻ

ԱԶԴԵՅՈՒԹԻՒՆՆԵՐԸ ԶԱՒԱԽՔԻ ՎՐԱՅ

Վրաստանի իշխանութիւնների իրականացրած նահանգային բաժանումը մեծապէս փոխեց իրավիճակը նաեւ Սամցխէ (Մեսխէթ, Մեսխունիք, Ախալցխայի Գաւառ) – Զաւախք (Ախալքալաքի Գաւառ) – Ծալկա (Թոեղքի Գաւառ) (այս երեք շրջանները միասին այսուհետ կը կոչենք Զաւախք) պատմական հայկական շրջաններում: Վրաստանի ղեկավար՝ Շեսարդնաձէի՝ 31 Յուլիս 1994ի թիւ 237 հրամանագրով ստեղծուեց նոր տիպի մի «երկրամաս», որի «անհրաժեշտութիւնը» բացատրում էր՝ հաշուի առնելով այն «...որ երկրում վերջին ժամանակներում սրբեղծուած ծանր քաղաքական, տնտեսական, քրէածին իրադրութեան պատճառով Սամցխէ-Զաւախքի թիւ 1 Ադիգէնի, Ասպինձայի, Ախալքալաքի, Ախալցխէի, Բորժոմի եւ Նինոծմինդայի շրջաններում տեղ եւ գտել լուրջ դժուարութիւններ տնտեսական ոլորտում, ձգձգում են նոր տնտեսավարման, սեփականաշնորհման անցնելու գործընթացները, չեն գնում եւ իրացում բնակչութեան արտադրած մթերքները, առկայ են դժուարութիւններ էներգակիրների բաշխման գործում, չեն կատարում ընկերային-տնտեսական եւ այլ հարցերի վերաբերեալ իշխանութեան եւ կառավարման բարձրագոյն մարմինների որոշումները, թուլացել է դրանց կատարման վերահսկողութիւնը, ինչը բացասաբար է անդրադառնում բնակչութեան վիճակի, քաղաքացիների իրաւունքների եւ ազատութիւնների իրական երաշխիքների վրայ»²:

Այդպիսով՝ նախկին խորհրդային վեց շրջաններից (Ադիգէնի, Ախալցխայի, Բորժոմի, Ասպինձայի, Ախալքալաքի եւ Նինոծմինդայի) բաղկացած Սամցխէ-Զաւախք նահանգը, ստեղծուելով 31 Յուլիս 1994ին, գոյութիւն ունի մինչ օրս, եւ 1994ից առ այսօր Զաւախքի բնակչութիւնը ապրում է նոր վարչատարածքային միատրոններում, որոնք, չնայած իրենց ոչ-իրաւական եւ այսպէս կոչուած «ժամանակաւոր» կարգավիճակին, Զաւախքի հասարակական կեանքի վրայ թողել են մեծ ազդեցութիւն եւ շարունակում են ներգործել վերջինիս վրայ նաեւ ներկայումս:

Նշենք, որ հենց նահանգի ստեղծման պահից վերջինիս մէջ չեն երառուեց Ծալկայի՝ հիմնականում հայաբնակ շրջանը (շուրջ 13 հայաբնակ գիւղեր՝ մէկուկէ տասնեակ հազար հայ ազգաբնակչութեամբ, որը, տեղի յոյների մեծ թափով հեռանալու պայմաններում շուտով կազմելու էր շրջանի բնակչութեան բացարձակ մեծամասնութիւնը): Այն միացուեց Քուեմո

Քարթլի նորաստեղծ եւ հիմնականում աղբբեջանաբնակ (թաթարաբնակ) նահանգին: Այս քայլը նպատակ ունէր մասնատել Զաւախքի հայութեանը, թուլացնել վերջինիս՝ բացառելով այնտեղ հայկական գործօնի ծեաւորումը, միաժամանակ՝ դրանով մեծապէս փոխում էր Զաւախքի բնակչութեան ժողովրդագրական պատկերը:

Նահանգի ստեղծումով մեծապէս փոփոխութեան ենթարկուեցին նաեւ Զաւախքի վարչական եւ այլ հասարակական-պետական հիմնարկներն ու տարբեր հաստատութիւնները՝ ինչպէս կառուցուածքային, այնպէս էլ՝ աշխարհագրական վայրի գտնուելու իմաստով, որոնք իրենց այս կամ այն ազդեցութիւնն են թողել եւ թողնում Զաւախքի վրայ:

Նկատի ունենալով, որ այդ վարչական հաստատութիւնները մեծ դեր ունեն Զաւախքի՝ որպէս մէկ ինքնուրոյն վարչատարածքային կամ ինքնավար միատր ծեաւորուելու գործընթացում, ապա կարելոր է մանրամասն քննութեան առնել վերջիններիս հետ կապուած առկայ խնդիրները:

ՆՈՐԱՆԿԱՆ ՎՐԱՍՏԱՆԻ ՎԱՐՉԱՏԱՐԱԾՔԱՅԻՆ ԲԱԺԱՆՈՒՄՆԵՐԸ ԵՒ ԶԱԻԱՆԱԿԱՅ ՀԱՍԱՐԱԿԱԿԱՆ-ՔԱՂԱՔԱԿԱՆ ՄԻՏՔԸ

Դեռ 1990ականներից՝ Զաւախքի հասարակական-քաղաքական կազմակերպութիւններն ու առանձին անհատներ հանդէս են եկել Վրաստանի վարչատարածքային խնդիրներին առնչուող տարաբնոյթ դիրքորոշումներով եւ համապատասխան արծագանգներով:

Զաւախքում առկայ եւ գործընթացների մէջ դերակատար հասարակական ուժը, որը յաւակնում էր ստանձնելու նաեւ քաղաքական գործառոյթներ՝ «Զաւախք ժողովրդական Շարժում»ն (ԶԺՇ) էր, որը տարբեր շրջաններում համախմբում էր տարբեր միութիւնների ու հասարակական կազմակերպութիւնների՝ վերածուելով կառավարող ուժի:

Սակայն 1990ականների կեսերին արդէն ԶԺՇն ոչ թէ գաղափարական համախմբուածութեամբ, այլ այդ ընթացքում փոխադարձ անձնական շահերով պայմանաւորուած մի կառոյց էր, որի՝ երրորդ (10 Ապրիլ 1993) եւ չորրորդ (1995)³ խորհրդաժողովներում խիստ զգացուեց նրա թուլութիւնը եւ նրա առաջնորդների պառակտուածութիւնը՝ թէ՛ գաղափարական, թէ՛ կազմակերպական գետնի վրայ: Շատ գործիչներ թողեցին ԶԺՇն՝ չտեսնելով այնտեղ հեռանկար իրենց յետագայ քաղաքական ասպարէզի համար եւ ընտրեցին այլ ճանապարհներ՝ մեկնում Ռուսաստան եւ այլ վայրեր, մասնաւոր գործարարութիւն, այլ պաշտօնների զբաղեցում են: Այսպիսի մարդկանց մէջ քիչ չէին նաեւ մտաւոր բարձր կարողութիւններ ունեցող գործիչներ, որոնք այնքան անհրաժեշտ էին Զաւախքի յետագայ ճակատագրի որոշման գործում: Աւելին, ԶԺՇն անընդհատ բարձրացնելով ընկերային-տնտեսական, Վրաստանի կեդրոնական իշխանութեան կողմից

վարուող հակահայ քաղաքականության, ծանր ուժանիւթի ճգնաժամին (Ջաախքում էլեկտրական հոսանքի մատակարարում գրեթէ տեղի չէր ունենում) վերաբերող բազմապիսի հարցեր, դրանց շատ անգամ տալիս էր յուզական բնոյթ, եւ ոչ թէ մշակուած որոշակի պահանջների տեսք: ԶԺՇի մնացեալ առաջնորդներն իրենց ծրագրերում եւ առաջ քաշուող ինքնավարութեան պահանջներում⁴ որոշակի պատկերացում անգամ չունէին Զաախքի տարածքային ընդգրկուածութեան մասին⁵:

Նման իրավիճակում, երբ Վրաստանի կողմից դէպի Զաախք էին ուղղւում տեղի հայութեան շահերին հարուածող նորանոր օրէնքներ, տեղում չկար դիմակայող ուժ: Դա չէին կարող անել նաեւ տարածաշրջանում առկա փոքր ու մեծ հասարակական կազմակերպութիւնները՝ «Դեմոկրատների Միութիւն»ը, «Սուրբ Իսա»ը, «Կանաչների Միութիւն»ը, ինչպէս նաեւ «Օդա», «Ձայն Զաախքի», «Արշալոյս», «Ժողովրդավարական Միութիւն», «Վրաստանի Քաղաքացիների Համերաշխութեան Միութիւն» կազմակերպութիւնները, որոնք գործում էին Զաախքում⁶:

Նման պայմաններում ջաախքցիների ցանկացած նախաձեռնութիւն ունենում էր խիստ մշուշոտ ապագայ: Դա դրսեւորուեց նաեւ Զաախքում 1995 Յուլիսին կազմակերպուած ստորագրահաւաքի ժամանակ, երբ դեռեւ չէր ընդունուել երկրի հիմնական օրէնքը՝ սահմանադրութիւնը: Ստորագրահաւաքն իրականում Զաախքին ինքնավարութիւն տալու Վրաստանին ներկայացուող պահանջի հիմնաւորում չէր: Այն կրում էր անելի շուտ հանրային հարցման բնոյթ, որով փորձ էր արւում իմանալ ժողովրդի կարծիքը՝ ապագայ դաշնային Վրաստանի կազմում Զաախքի՝ որպէս քաղաքականապէս ինքնակառավարուող վարչական միատր տեսնելու խնդրում (սահմանադրական իրաւունքով)⁷: Սակայն, հաաքուած շուրջ 13,000 ստորագրութիւնները Զաախքի կարգավիճակի հարցում ոչինչ չպիտի փոխէին Վրաստանի սահմանադրութեան մէջ⁸: Բարձրաձայնելով կենսական հարցեր (տարածաշրջանի ժողովրդագրական կազմի փոփոխութիւն՝ արհեստական ձեւով, տնտեսական զարգացման խոչընդոտ, Զաախքի վարչական ամբողջ կառոյցի տեղափոխում Ախալցխա, վարչական շատ հիմնարկների լուծարում կամ դարձեալ տեղափոխում Ախալցխա, բնակչութեան եւ վարչական կառավարող օղակների միջեւ կապի արհեստականօրէն խիստ վատացում)⁹, որոնք ստեղծուել էին Շեարդնաձէի թիւ 237 հրամանագիրը ստորագրելուց յետոյ, խստագոյնս քննադատելով նշեալ փոփոխութիւնը եւ կոչ անելով չենթարկուել նահանգապետին¹⁰: ԶԺՇի ներկայացուցիչները եւ Ախալքալաքի ու Բոգդանովկայի շրջանների գործիչների հաաքի մասնակիցները չունէին ինքնավարութեան վերաբերեալ կամ Շեարդնաձէի կազմաւորած նահանգին հակադրող այլ մոդէլ: Օրինակ, որ 10 Օգոստոսի 1994ին, Բոգդանովկայում հրա-

փրուել էր «Օդա» բարեգործական ընկերության ընդլայնում և նիստ, որտեղ, քննարկելով թիվ 237 հրամանագիրը, խստորեն դատապարտուեց Շեարդնաձէի այս որոշումը եւ ընդունուեց նրան ուղղուած դիմում¹¹: Յստակեցուած չէր նաեւ Ախալցխայի կարգավիճակի հարցը: Հայկական Մեսխութիք գաւառն իր ներկայ երեք՝ Ադիգէնի, Ախալցխայի եւ Ասպինձայի (մասամբ) շրջաններով, յաճախ մտցում էին «Ջաւախք» հասկացութեան տակ եւ պահանջում էր նրանց տալ ինքնավարութիւն: Իսկ այսպիսի վարչատարածքը, եթէ հաշուի չառնենք Բորժոմի եւ Ծալկայի շրջանների պարագան, հիմնականում համապատասխանում էր Շեարդնաձէի ստեղծած նահանգին: Ստեղծում էր այնպիսի տպատւոյթիւն, որ չընդունելով վրացականը, ջաւախքեցիները պահանջում էին իրենց համար ընդունելի չափորոշիչներով վարչատարածքային տարբերակ, որն իրականում նոյնն էր, ինչ վրացականը. երկրամասում մշակուած հայեցակարգի բացակայութեան պայմաններում՝ իշխանութիւնների կողմից Ջաւախքի առաջնորդների պահանջները մերժելը դառնում էր դիւրին խնդիր:

ԶԿԱՅԱՅԱԾ ՀԱՆՐԱՔՈՒԷՆ

1997ին Ջաւախքում լրջօրէն սկիզբ առաւ «հանրաքուէ» կոչուող մի գործընթաց, որը ճակատագրական նշանակութիւն էր ունենալու տարածաշրջանի յետագայ զարգացման համար: ԶԺՇի կողմից սկսուեց բնակչութեան շրջանում ստորագրութիւններ հաւաքելու գործընթացը: Այդ առթիւ նաեւ նամակ յղուեց նախագահ Շեարդնաձէի եւ խորհրդարանի խօսնակ Զուրաբ Ժուանիայի անուններով¹², որտեղ մանրամասն հիմնատրուում էր Ջաւախքը Ախալցխայի վարչական տնօրինութեան տակ դնելու բոլոր բացասական հետեանքները, նշում էր նաեւ Ախալքալաքը, Նինոծմինդան եւ Ասպինձան դուրս բերելու Ախալցխայի ենթակայութիւնից եւ մէկ տնտեսական գօտու մէջ ներառելու նպատակայարմարութիւնը: Պահանջում էր նաեւ այդ երեք շրջաններում մտցնել վարչական կառավարման յատուկ ձեւ: «Այդ նպատակով, վերոնշեալի հաստատման համար, համաձայն Վրաստանի սահմանադրութեան 67րդ յօդուածի Ա. կէտի (...ոչ-քիչ, քան 30 հազար ընտրողներն իրաւունք ունեն օրէնսդրական նախաձեռնութեան)՝ Ջաւախքի Հասարակական-Քաղաքական Կազմակերպութիւնների Կոորդինացիոն Խորհրդի (ԶՀԲԿԿԽ) անդամները (որի մէջ, բացի «Ջաւախք» ժողովրդական Շարժումից, մտնում էին նաեւ ինչպէս Ախալքալաքում, այնպէս էլ Բոգդանովկայում գործող «Արշալոյս», «Զարթօնք», «Վեւերանների Միութիւն», «Ժողովրդավարների Միութիւն», տեղական հասարակական քաղաքական կազմատրումները), այդ շրջանների բնակչութեան նախաձեռնութեամբ, հաւաքում են ստորագրութիւններ¹³: Ախալցխայի վարչական ենթակայութիւնից Ջաւախքը դուրս բերելու վերաբերեալ

շուրջ 15,000 ստորագրություն էր հաւաքուել դեռ 1995 Յունիսին, որ ներկայացուել էր Շեարդնաձէին՝ նրա եւ նախագահ Լետն Տէր Պետրոսեանի 1996ին Ջաւախքում հանդիպման ժամանակ, սակայն վերջինս «այդ ստորագրութիւնների վրայ անգամ չնայեց»¹⁴: Իսկ 1997 Յուլիս-Օգոստոսին հաւաքուող ստորագրութիւնների ռուսերէն թերթիկն ունէր հետեւեալ բովանդակութիւնը. «Յարգելի ջաւախքեցիներ, Ձեր նախաձեռնութեամբ ՋՀԲԿԿԻՆ, համաձայն Վրաստանի սահմանադրութեան 67րդ յօդուածի առաջին կէտի (...30,000ից ոչ-քիչ ընտրողներն իրատուք ունեն հանդէս գալու օրէնսդրական նախաձեռնութեամբ), նախաձեռնում է ստորագրահաւաք՝ երկրի խորհրդարանում հետեւեալ հարցերը քննարկելու համար.-

1՝ Ոչ սահմանադրական Սամցխէ-Ջաւախք երկրամասի կազմաւորման գործընթացի դադարեցում.

2՝ Երկրի պետական-տարածքային կառուցումի մասին սահմանադրութեան գլխի ընդունման ժամանակ, Ջաւախքին տալ համապատասխան վարչատարածքային միատրի կարգավիճակ՝ Վրաստանի սահմանադրութեան շրջաններում»: Հաւաքում բազմահազար ստորագրութիւններին հետեւելու էր հանրաքուէ: «Ջաւախք» ժողովրդական շարժման շուրջ համախմբում ՋՀԲԿԿԻՆ մեծ աշխուժութեամբ էր նախապատրաստում 1998 Փետրուարին անցկացուելիք համընդհանուր հանրաքուէին: Այդ առթիւ դիմում յղուեց նաեւ Հայաստանի եւ Վրաստանի խորհրդարանական պատուիրակութիւններին¹⁵, որում մանրամասն նշում էին Ջաւախքի առջեւ ծառացած ընկերային-տնտեսական, մշակութա-լուսատրչական եւ քաղաքական բնոյթի խնդիրները, որոնք գոյութիւն են ունեցել տասնամեակներ շարունակ:

Ըստ դիմումի՝ ստեղծում իրավիճակից դուրս գալու միակ միջոցը Ջաւախքի բնակչութիւնը, տեսնում էր հետեւեալ որոշակի հարցի մասին հանրաքուէի անցկացման մէջ. «համաձայն էք Դուք, որ Ջաւախքի տարածաշրջանը Վրաստանի կազմում ունենայ վարչատարածքային միատրի»¹⁶:

ԶԺՇԻ կողմից 1997 Փետրուարին *Ջաւախք* թերթի թիւ 1 (18)ում տպագրուեց նաեւ մի մեծ կոչ՝ ուղղում ջաւախքցիներին¹⁷: Կոչում նոյնպէս բարձրացում էին Ջաւախքում առկայ բոլոր հիմնախնդիրները, մանրամասն քննադատութեան էր ենթարկում Վրաստանի կողմից վարուող քաղաքականութիւնը, քննադատում էին նաեւ շրջանի ղեկավարները¹⁸: Ի-րօք, Ախալքալաքի շրջանի ղեկավարութիւնը բացայայտօրէն դէմ էր եւ ամէն կերպ խոչընդոտում էր հանրաքուէի անցկացմանը: Դա է վկայում այն փաստը, որ 5 Փետրուար 1997ին, գիտական վարչութիւնների, *կոլտնտէս-տիւնների* նախագահների եւ *սովխոզների* տնօրէնների ընդլայնուած նիստի ժամանակ, որտեղ լայնօրէն քննարկման էր առնուել ՋՀԲԿԿԻՆի առաջ քաշած հանրաքուէի հարցը, Ախալքալաքի շրջանային վարչութեան

Նախագահ Ս. Դարբինեանը կտրականապէս արգելել էր (ընդհուպ մինչեւ պաշտօնից ազատելու սպառնալիքով) մասնակցելու այդ ընտրութիւններին եւ թոյլ չէր տուել վաւերացնելու նիստի արձանագրութիւնը: ԶՀԲԿԿԻսի անդամների կողմից այս առթիւ բաց նամակ է հրապարակում՝ ուղղուած Դարբինեանին եւ նշում, որ նման ձեւով շարունակելու դէպքում վերջինիս նկատմամբ կը կիրառուեն համապատասխան միջոցներ¹⁹:

Այդուհանդերձ, չնայած բազմաթիւ խոչընդոտներին, ԶՀԲԿԿԻսն Զաւախքի հարցի լուծումը տեսնում էր հանրաքուէ անցկացնելու մէջ. «մեր կապարած բոլոր քայլերը ցանկալի արդիւնքի դեռ չեն հասցրել, դրա համար էլ ԶՀԲԿԿԻսն անում է յաջորդ վճռական քայլը՝ Զաւախքում համաժողովրդական հանրաքուէ-ռեֆերենդում անցկացնելու քայլն է»²⁰: Զաւախք պարբերականում հրապարակուած կոչով հանրաքուէի կազմակերպիչները դիմում էին Զաւախքի ողջ բնակչութեանը, երկու շրջանների վարչութիւնների նախագահներին, ձեռնարկութիւնների տնօրէններին, գիւղական վարչութիւններին, բուժաշխատողներին, ուսուցիչներին. «հրաժարուել բոլոր տեսակի կրատրականութիւնից ու անտարբերութիւնից, տեղերում եռանդուն կերպով մասնակցել հանրաքուէի անցկացման նախապատրաստական աշխատանքներին ու հանրաքուէի օրը «Վրաստանի կազմում Զաւախքի առանձին քաղաքական ինքնակառավարման միատոր» ստեղծելուն ասել՝ «այո»²¹: ԶՀԲԿԿԻսի կողմից 1997 Ապրիլին մշակուել էր նաեւ Զաւախքի հիմնահարցի լուծման մարտավարութեան մի նախագիծ²², որտեղ Զաւախքի հիմնահարցի լուծման պայքարի քաղաքակիրթ, քաղաքական հանգրուանային ձեւերի մի շարք կէտերից ուշագրաւ էին հետեւեալները.-

«...գ) Վրաստանի կազմում Զաւախքի վարչապարածքային ազգային միատորի ստեղծում, դ) Վրաստանի կազմում Զաւախքի ինքնակառավարութեան ձեռքբերումը՝ որպէս դաշնային միատոր (եթէ Վրաստանը գնալու է դաշնային պետութիւն դառնալու ճանապարհով), է) Զաւախքի հիմնահարցի միջազգայնացում՝ որպէս օժանդակ միջոց»²³: Իսկ այս ամէնին, ինչպէս նաեւ մի շարք այլ հիմնախնդիրների լուծմանն ուղղուելիք միջոցառումների համապարփակ ազգային ծրագրային դրոյթներից հետաքրքիր էր հետեւեալ կէտը.-

«... է) երկրամասում Վրաստանի ազդեցութեան լծակների թուլացում եւ Ախալցխայի, Ծալկայի, Բորժոմի եւ Ասպինձայի շրջանների հայութեան ուժեղացում, որոնք Զաւախքի էթնիկական պարունէն են հանդիսանում»²⁴:

Այնուամենայնիւ, այսքանից յետոյ, Զաւախքում հանրաքուէ չանցկացուեց...: Ի՞նչն էր պատճառը: «Զաւախք» ժողովրդական շարժման նախագահ Ստեփան Յակոբեանը այդ առթիւ տալիս է հետեւեալ պատասխանը. «պարտասպ էին քուէաթերթիկները, կազմել էինք կոորդինացիոն խոր-

հուրդ (այդ խորհրդի մէջ էին մտնում այդ շրջանում Զաւախքի քաղաքական գործիչներից՝ Դաւիթ Վեքիլեանը, Դաւիթ Ռստակեանը, Սամուէլ Պետրոսեանը, Ստեփան Յակոբեանը, Տիգրան Կարախանեանը, Նորիկ Կարապետեանը, Մերուժան Աբրահամեանը, Խաչատուր Ալվազեանը, Ռուբէն Սահակեանը, Պետրոս Ստամբուլցեանը, Ժորա Ավարեանը - Վ. Ս.)²⁵։ Դիմեցինք Վրաստանի կառավարութեանը՝ թողարկել անցկացնելու հանրաքուէ։ Պատասխան չեղաւ։ ...հանրաքուէ չանցկացուեց, բայց ընդունուեց եւ Կոնստանտինոպոլիսի «Զաւախք» թերթում հրապարակուեց «Զաւախքի ինքնավար հանրապետութեան» Սահմանադրութեան նախագիծը։ Դա սոսկ առանձին մարդկանց մտայղացումն էր, կարծիքը»²⁶։ Աւելացնենք սակայն, որ այդ սահմանադրութիւնն էլ Զաւախք թերթում տպագրուել էր բաւականին ուշ՝ 1998 օգոստոսեան համարներից մէկում²⁷։

Անհասկանալի է որ.-

1) Եթէ Զաւախքի բնակչութիւնը մինչ այդ - ինչպէս տեսանք - իր ստորագրութիւններով կողմ էր արտայայտուել հանրաքուէին, իսկ Վրաստանի սահմանադրութեան 67րդ յօդուածի առաջին կէտով նրան իրաւունք էր վերապահուում կայացնելու օրէնսդրական նախաձեռնութիւններ՝ 30,000ից ոչ-քիչ բնակչութիւն լինելու դէպքում, իսկ Զաւախքի (Ախալքալաքի եւ Նինոծմինդայի շրջանների) բնակչութիւնը այդ թուականին, ըստ պաշտօնական տուեալների, շուրջ 97,511 էր²⁸, ապա ո՞րն էր Թբիլիսիին դիմելու իմաստը։ Կամ միթէ՞ պարզ չէր, որ Թբիլիսին, այսպէս թէ այնպէս թող չի տալու այդ հանրաքուէն. դա առնուազն պարզ պէտք է լինէր Թբիլիսիի կողմից նշանակուած շրջանային վարչութեան նախագահների՝ այս խնդրի վերաբերեալ ունեցած կարծի, անզիջող դիրքորոշումներից։

2) Եթէ ԶՀԲԿԿԻՆ պէտք է հանրաքուէն անցկացնէր Թբիլիսիի թողարտութեամբ, իսկ այդ ընթացքում չունենալով այն, ինչու՞ էր այդքան նախապատրաստուել, նախապատրաստել նաեւ ժողովրդին, համընդհանուր աղմուկ բարձրացրել, գրգռել իր դէմ վրացական մամուլին։

Իհարկէ, սրանք այս գործընթացի կասեցման պատճառների փոքր մասն են միայն։ Իրականում, ամենամեծ պատճառներից մէկը ԶՀԲԿԿԻՆի, ինչպէս նաեւ ԶԺՇ անդամների՝ այս հարցի շուրջ առաջացած տարակարծութիւններն էին, որոնց պատճառով շուտով ԶՀԲԿԿԻՆ ու նրա կորիզը կազմող ԶԺՇն անհամեմատ թուլացան եւ գրեթէ դադարեցին գոյութիւնից։ Զաւախքի ճակատագրի որոշման կարեւոր դերը ստանձնած ԶՀԲԿԿԻՆ եւ ԶԺՇ ղեկավար անդամների մօտ շեշտակիօրէն զգացում էր միասնաբար մշակուած հայեցակարգի, քաղաքական ուղու բացակայութիւնը։ Միւս կարեւոր պատճառներից էին դարձեալ, Զաւախքի ինքնավարութիւնն ընդգրկող աշխարհագրական սահմանների, ինչպէս նաեւ քա-

ղաքական շրջանակների ոչ-ճիշտ պատկերացումները, հետեւաբար նաեւ՝ այստեղից բխող՝ Վրաստանին ներկայացուող պահանջների՝ միմեանց խիստ հակասական լինելը:

Եթէ հանրաքուէից առաջ ստորագրահաւաքի ժամանակ ՋՀԲԿԿԽի անդամների՝ Շեարդնաձէին եւ Ժուանիային ուղղուած դիմումում «նպատակայարմար էր համարում նախագահի անձնական լիազօր ներկայացուցչի պաշտօն մրցնել Ախալքալաքի, Նինոծմինդայի եւ Ասպինձայի շրջանների վրայ՝ համապատասխանաբար նոր կազմակերպչական-տնտեսական համակարգի տարածքային վարչութեան եւ տնտեսավարման մշակումով»²⁹, ապա համարեա բոլոր տեղերում պահանջների մէջ միայն նշում է «Ջաւախք» տարածաշրջանի մասին, որը պէտք է դուրս բերուէր Ախալցխայի վարչական կառավարման համակարգից, այսինքն, այս պահանջներից դուրս էր մնում Ասպինձայի շրջանը: Դա է վկայում նաեւ Ջաւախքի հասարակական-քաղաքական կազմակերպութիւնների ՋՀԲԿԿԽի՝ 1997 Ապրիլին մշակած վերոնշեալ՝ Ջաւախքի հիմնահարցի լուծման մարտավարութեան նախագիծը, որով նախատեսուող միջոցառումների ծրագրային «է» կետով Ջաւախքի էթնիկական պատնէշ են համարում Ախալցխայի, Ծալկայի, Բորժոմի եւ Ասպինձայի շրջանները, որոնց շրջանում «պէտք էր թուլացնել Վրաստանի ազդեցութեան լծակները եւ ուժեղացնել հայերին»³⁰: Աւելին, հանրաքուէն նոյնպէս նախատեսուած էր անցկացնել միայն Ջաւախքում (Ախալքալաքի եւ Նինոծմինդայի շրջաններում): Այս բոլորից բացի, խիստ անորոշ էր նաեւ նախատեսուող հանրաքուէի ժամանակ դրուած պահանջը. «Համաձայն էք, որպէսզի Վրաստանի սահմանադրութեան շրջանակներում Ջաւախքի տարածքը՝ Ախալքալաք կենտրոնով, ունենայ իր վարչատնտեսական միատրոք միասնական Վրաստանի կազմում - ԱՅՈ, ՈՂ»³¹:

Կարելի է եզրակացնել, որ հանրաքուէն վերաբերում էր ոչ թէ Ջաւախքի ինքնավարութեան կարգավիճակ ստանալուն, այլ, փաստօրէն, պայքարը գնում էր Ջաւախքի մի հատուածը Ախալցխայի վարչական ինքնակառավարման ենթակայութիւնից դուրս բերելու համար, իսկ թէ ինչպիսի՞ կարգավիճակով՝ դա չէր նշում:

«Ախալքալաք կենտրոնով վարչատնտեսական միատրոք» ձեւակերպումը խիստ անորոշ հասկացութիւն էր եւ դրա տակ անհնար էր ինչ-որ բան հասկանալ ինքնավարութեան մասին: Իսկ եթէ նոյնիսկ Վրաստանը «հասկանար» հայերի այս պահանջը եւ Ջաւախքը Ախալցխայի ենթակայութիւնից դուրս բերելուց բացի, նրան տար նաեւ ինքնավարութիւն, ապա մեր կարծիքով խիստ անարդարացի կը լինէր Ախալցխայի՝ պաշտօնական տուեալներով շուրջ 43% (23,644 մարդ, այն դէպքում, երբ վրացիների թիւը աւելի էր ընդամենը 2044ով (25,688 մարդ)³² հայութիւն կազմող եւ Ծալ-

կայի՝ հայերի բացարձակ մեծամասնութեամբ բնակեցուած շրջանները թողնել, մեղմ ասած, «բախտի քմահաճոյքին»:

Արդէն թուլացած ԶԺՇն, նորից «վերակենդանանալու» ճիգեր գործադրելով, 1998 Օգոստոսին (հանրաքուէի տապալումից շուրջ կէս տարի անց), *Ջաւախք* թերթում շարունակում է կոչ անել ժողովրդին՝ ապաքարի ելնել՝ դուրս գալու Ախալցխայի ենթակայութիւնից³³, միաժամանակ վերոյիշեալ թերթի նոյն ամսում լոյս տեսած հերթական համարում տպագրում է «Ջաւախքի ինքնավար Հանրապետութեան Ապագայ Սահմանադրութեան Հիմնադրոյթները» վերտառութեամբ մի ծաւալուն յօդուած, որտեղ *Ջաւախքի* ապագայ ինքնավար հանրապետութիւնն «ընգգրկում էր իր մէջ *Ախալքալաքի, Նինոծմինդայի, Ասպինձայի, Ախալցխայի եւ Ծալկայի շրջանները՝ իրենց այժմեան սահմաններով, ինչպէս նաեւ Բորժոմի շրջանին բռնակցուած Զխարովա, Մոլիթ, Ղալքիլիսա (Տաքաձողուրի) հայկական գիւղերը*»³⁴:

Բնականաբար, այստեղից հարց է առաջանում. եթէ ԶԶԿԿԻսի անդամների կողմից նախատեսւում էր *Ջաւախքի* ինքնավար հանրապետութիւնն ստեղծել նշուած սահմանադրութեան Ա. կէտով նախատեսուող (Ախալքալաքի, Նինոծմինդայի, Ասպինձայի, Ախալցխայի, Ծալկայի շրջաններ եւ Բորժոմի շրջանի հարաւային հայկական գիւղեր) սահմաններում, ապա էլ ինչու՞ էին նրանք ձգտում *Ջաւախքի* դուրս բերումը Ախալցխայի ենթակայութիւնից: Նշենք այն տարբերութիւնը, որ կար Սամցխէ-Ջաւախք նահանգի եւ այն ինքնավար հանրապետութեան միջեւ, որը ուզում էին ստեղծել ԶԶԿԿԻսի ներկայացուցիչները.- 1) նահանգում կար Բորժոմի շրջանը, ինքնավար հանրապետութեան սահմանադրութեան մէջ կային միայն նրա հարաւային հայկական գիւղերը, 2) նահանգում չկայ Ծալկայի շրջանը, սահմանադրութեան մէջ այն մտնում էր որպէս ինքնավար հանրապետութեան մասնիկ: 3) նահանգում կայ Աղիգէնի՝ Աջարիային սահմանակից շրջանը, որը չէր նախատեսւում մտնել ինքնավար հանրապետութեան մէջ: 4) Միւս էական տարբերութիւնն այն էր, որ նահանգում՝ նահանգային կենտրոնը Ախալցխա քաղաքն է, սահմանադրութեամբ նախատեսւում էր. «Ջաւախքի վարչական կենտրոնը (մայրաքաղաքը) Ախալքալաք քաղաքն է» (սահմանադրութեան 2րդ կէտ)³⁵: 5) եթէ այժմ նահանգի անունը Սամցխէ-Ջաւախքի է, ապա սահմանադրութիւնն առաջարկում էր «Ջաւախք» անունը (Ջաւախքի ինքնավար հանրապետութիւն, կրճատ՝ *Ջաւախք* (սահմանադրութեան 4րդ կէտ)³⁶:

Ինչպէս տեսնում ենք, կառուցուածքային առումով այնքան էլ մեծ չէր տարբերութիւնը՝ ԶԺՇի առաջ քաշած սահմանադրութեամբ նախատեսուող եւ Վրաստանի՝ «31 Յուլիսի 1994ից առաջարկուող» տարածքային-վարչական միատրների միջեւ (եթէ հաշուի չառնենք այնտեղի օրէնսդրու-

թեան, կառավարման ձեւերի եւն.ի միջեւ եղած տարբերութիւնները), հետեւաբար, անելի ճիշտ չէ՞ր լինի, որ վերջիններս ի սկզբանէ պայքարէին կենտրոնը Ախալցխայից Ախալքալաք բերելու, վարչատարածքային եւ օրէնսդրական-կառավարական տարբերութիւնները վերացնելու ուղղութեամբ: Այսինքն, հասնէին նահանգային ինքնավարութեան, ինչը նախատեսում էր իրենց անելի ուշ առաջ քաշած սահմանադրութեան մէջ, եւ ոչ թէ տարիներ շարունակ պայքար ծաւալուէր մեկուսանալու եւ օտարութիւն Ախալցխայի շրջանից:

Այսպիսով, մշակուած, որոշակի ու յստակ պահանջների բացակայութեան պայմաններում Վրաստանի կենտրոնական իշխանութեանն այլ ելք չէր մնում, քան հաշտի չնստել այս ամէնի հետ եւ դրա փոխարէն, հայութեան աչքերին «թող փչող» ծրագրերի կիսատ-պոտտ իրականացման միջոցով, փորձէր «լուծուած» համարել այստեղի բազմապիսի հիմնախնդիրները:

ՎՐԱՍՏԱՆԻ ԻՇԽԱՆՈՒԹԻՒՆՆԵՐԻՆ ՆԵՐՎԱՅԱՅՈՒՈՂ ՊԱՇՏՊԱՆՆԵՐԻ ԲԻՒՐԵՂԱՅՈՒՄ

Զաւախքի նահանգային եւ որպէս ինքնավար տարածաշրջան հանդէս գալու խնդիրներին յետագայում անդրադարձաւ Սամցխէ-Զաւախքի եւ Քուեմօ Քարթլիի Հայկական Հասարակական Կազմակերպութիւնների Խորհուրդը (ստեղծուած՝ 2003ին), որն իր «ինտեգրում, բայց ոչ ծուլում» նախաձեռնութեան երեք համաժողովներից³⁷ երրորդը (24 Սեպտեմբեր 2005) ամբողջովին նուիրել էր Վրաստանի պետական կառուցումը, Զաւախքի կարգավիճակի խնդրին: Համաժողովը պահանջում էր Վրաստանից մի շարք քայլերի իրագործում, մասնատրաբար.-

- 1) Վրաստանի պետական կառուցումը լիովին տալ դաշնային կառուցումը, որը բաղկացած լինի տարածքային միատրոններից (entity) կենտրոնական իշխանութիւններից.
- 2) Վրաստանի պետական դաշնային կառուցում կենտրոնական իշխանութիւններին վերապահել Վրաստանի սահմանադրութեան յօդուած 3ի (այ) կէտի ենթակէտերով սահմանուած բոլոր լիազօրութիւնները³⁸.
- 3) Տարածքային միատրոնների կազմում՝ հիմք ընդունել Վրաստանի բաղկացուցիչ ազգութիւնների էթնիկական ինքնութեան պահպանման եւ զարգացման կարիքներն ու հնարատրութիւնները.
- 4) Սամցխէ-Զաւախքի՝ իր ներկայ սահմաններով եւ Քուեմօ Քարթլիի՝ սահմանակից առանելաբար հայաբնակ բնակավայրերով վերածումը Վրաստանի պետական դաշնային կառուցի ինքնավարութեան օղակներից մէկի՝ ինքնակառավարման լայն լիազօրութիւններով, նե-

րառեալ բնակչութեան կողմից ազատ ընտրութիւններով ինքնակառավարման բոլոր մարմինների ընտրութեան իրաւունքով³⁹:

Նոյն խորհուրդը 2008ին վրաց-օսական պատերազմից անմիջապէս յետոյ հանդէս եկաւ Սամցխէ-Ջաւախքը իր ներկայ սահմաններով եւ Քութ-մօ-Քարթլիի սահմանակից, առաւելաբար հայաբնակ բնակավայրերով Վրաստանի պետական դաշնային կառոյցի ինքնավար օղակներից մէկի վերածելու մասին պահանջով⁴⁰:

Դատելով վերջին պահանջների բովանդակութիւններից՝ կարելի է եզրակացնել, որ նոր դարասկզբում Ջաւախքի քաղաքական միտքը գնալով հասունացել է. վերջին պահանջները գնալով համապատասխանում են Ջաւախքի իրական շահերին, պատմական արդարութեանը եւ դիւանագիտական տրամաբանութեանը: Ջաւախքի շուրջ ընթացող ներկայ զարգացումներում՝ հայեցակարգային բնոյթ կրող նմանատիպ յայտարարութիւններն ու Վրաստանի, ինչպէս նաեւ միջազգային կառոյցների առջեւ դրուող պահանջները արդէն յաճախակի են դառնում, որը խօսում է տարածաշրջանում ընթացող եւ խմորուող գործընթացների մշտական առկայութեան մասին:

ՀԵՌԱՆԿԱՐՆԵՐ

Ելնելով վերոնշեալ պատմական ակնարկից՝ ամփոփենք Ջաւախքի յետխորհրդային վարչատարածքային կառուցումների առանձնայատկութիւնները եւ այս հիմքի վրայ ուրուագծել վերջինիս ներկայ եւ ապագայ քաղաքական խորապատկերը: Այս բոլորի համադրումը մեզ հնարատրութիւն կարող է ընձեռել՝ ներկայացնելու իրական եւ Ջաւախքի զարգացման երաշխիք հանդիսացող տեպականը, միմիայն որի միջոցով հնարատր կը լինի սկզբնատրելու պատմական արդարութեան վերականգնումը:

- Ջաւախք տարածաշրջանը յետխորհրդային ժամանակում (1994) ապրեց իր հերթական մասնատումը: Նրանից խլուեց Ծալկայի հատուածը՝ բացասաբար ազդելով տարածաշրջանի՝ որպէս մէկ միասնական վարչաքաղաքական միատր ձեւատրուելու գործընթացի վրայ:

- ԽՍՀՄ փլուզումից իվեր Ջաւախքի հայութիւնը, չունենալով տարաբնոյթ խնդիրների, այդ թում՝ տարածաշրջանի վարչատարածքային կարգավիճակի վերաբերեալ հայեցակարգային մօտեցումներ՝ երկար ժամանակ գտնում էր հակասութիւնների եւ քաղաքական խարխալումների լաբիրինթոսում: Սա յանգեցրել է նրան, որ Ջաւախքում մինչ օրս 20ամեայ զարթոնքի (1988-2008) ժամանակահատուածում չի լուծուել գրեթէ ոչ մի խնդիր:

- 21րդ դարասկզբին Ջաւախքում քաղաքական միտքը սկսել է ապրել իր դրական առաջընթացը: Այն արտացոլում է տարածաշրջանի

խնդիրների շուրջ տարբեր հրապարակումներում, յայտարարություններում, բանաձեւումներում եւ պահանջներում տարբեր հասարակական-քաղաքական կազմակերպությունների՝ հայեցակարգայինն եւ քաղաքական տրամաբանութեանը մօտ մտքերի արծարծումը.

ՎՐԱՍՏԱՆԻ ՆԱՀԱՆԳԱՅԻՆ ԲԱԺԱՆՄԱՆ ՈՐՈՇ ՇԵՏԵՒԱՆՔՆԵՐԸ ԶԱՒԱԽՔԻ ՎՐԱՅ

Զաւախքի ժողովուրդը սեփական տարածաշրջանի վարչատարածքային բաժանման վերաբերեալ ունեցել է հակասական տեսակէտներ: Մէջբերուած տողերը մի կողմից հանդէս են գալիս Ախալցխան որպէս տարածաշրջանային կենտրոն դարձնելուն, միւս կողմից՝ հաղիւպում ենք երկարատեւ պայքարի մի ողջ ընթացքի, որի նպատակն է եղել ազատուել Ախալցխայի «լծից» եւ որպէս կենտրոն հռչակել Ախալքալաքը: Տուեալ դէպքում Զաւախքը սահմանափակում էր Ախալքալաքի, Նինոծմինդայի, մասամբ նաեւ՝ Ասպինձայի շրջաններով: Իրաւամբ՝ քաղաքական մտքի տհասութիւնը երբեմն կարող է յանգեցնել սեփական հայրենիքի մասնատմանն ու վերջինիս կորստեանը, ինչը տեղի ունեցաւ Զաւախքի պարագայում: Քաղաքական «գործիչ»ների անհեռատես գործելակերպը վրացական կողմին լիարժէք հնարատրութիւն ընծեռեց այս ընթացքում «մարսելու» դեռ խորհրդային վերջին տարիներին «կոլ տուած» Ախալցխայի գաւառը (Սամցխէն), որտեղ վրացական գործօնի յետագայ ամրապնդման համար Վրաստանն օգտագործեց ե՛ւ եկեղեցական, ե՛ւ աշխարհիկ իշխանութիւնների գրեթէ բոլոր հնարատրութիւնները եւ լծակները: Քաղաքական Զաւախքը դիտարկելով միմիայն 2-3 շրջաններում եւ Ախալցխայի ու Ծալկայի հատուածները «յիշելով» խիստ հազուադէպօրէն՝ Զաւախքի քաղաքական ներկայացուցիչները տարածաշրջանի ռազմագիտական նշանակութիւնը հասցրել են զրոյական մակարդակի, որն էլ իր հերթին բերել է ամբողջ տարածաշրջանի՝ բոլոր իմաստներով դերի նուազեցմանը:

1994ին Զաւախքի տարածքը վերածուելով «Սամցխէ-Զաւախեթի» նահանգի եւ որպէս նահանգային կենտրոն դիտարկելով Ախալցխան, վրացական իշխանութիւնները լուծարեցին մնացած բոլոր շրջաններում նախկինում գոյութիւն ունեցած վարչական հաստատութիւնները՝ կենտրոնացնելով վերջիններս Ախալցխայում: Տուեալ ժամանակահատուածում արդէն վրացական շունչ ստացած Ախալցխան Զաւախքի միւս հատուածների համար դիտուում էր որպէս մի օտար եւ մեծ հեռատրութեան վրայ գտնուող քաղաք, որտեղ հայութիւնն իրեն զգում է «անյարմար կացութեան» մէջ: Տուեալ պայմաններում, օրինակ, կենցաղային կամ այլ փաստաթղթի համար Ախալքալաքի հեռու գիւղերից բնակչութեան՝ մինչ Ախալցխա հաս-

նելը տեղիք էր տալիս լուրջ դժգոհությունների, ինչին արծազանգելով էլ քաղաքական գործիչները ծառայել էին վերոյիշեալ պայքարը:

Կենցաղայինից հեռուն չգնացող մտածելակերպի առկայութիւնը շատ յաճախ կարող է յանգեցնել ողբերգական հետեւանքներով պարտութիւնների...: Այդկերպ պատահեց նաեւ Ջաւախքի պարագայում: Իբր արծազանգելով բնակչութեան տրտունջներին՝ Ջաւախքի քաղաքագէտները, անգիտակցաբար պայքար ծառայելով Ախալցխայի դէմ ուղղակի եւ անուղղակի նպաստեցին վերջինիս վրացականացմանն ու օտարմանը Ջաւախքի կազմից: Սա մի ողջ դրամա էր՝ տեղի ունեցած Հայաստանի Հանրապետութեան եւ համայն հայութեան աչքի առաջ, որի հետեւանքները դեռ երկար են իրենց զգացնել տալու:

Առաջին հայեացքից կարող է իրատեսական թուալ. ինչու՞ յանկարծ ամէն հաստատութիւն տանել Ախալցխա, երբ այդ ամէնը կար Ախալքալաքում կամ միաւ նախկին շրջկենտրոններում: Իրօք, բնակչութեան դժգոհութիւններն արդարացի էին, այս հիմքի վրայ իրենց գործն արդարացի էին համարում նաեւ տուեալ շրջանի գործիչները, քանի որ արծազանգում էին բնակչութեան բողոքի ծայինն: Սակայն ինչպէ՞ս:

Հարցը պարունակում էր բազմապիսի նրբութիւններ, որոնց, սակայն, բոլորովին չէին տիրապետում Ջաւախքի քաղաքական ներկայացուցիչները: Իրականում Ջաւախքի քաղաքական, ռազմագիտական եւ մշակութային կենտրոնը մշտապէս պէտք է հանդիսանար Ախալցխան, որը հանդիսանալու էր Ջաւախքի ինքնուրոյն զարգացման խորհրդանիշը կամ «մայրաքաղաքը»: Առանց վերջինիս հայեցի գոյութեան անհնար է Ջաւախքի իրական զարգացումը: Վրաստանի ղեկավարութիւնը մշտապէս գիտակցելով այս ամէնը՝ վրացականացման է ենթարկել Ախալցխայի հատուածը: Իսկ այս պայմաններում այն դարձնելով Ջաւախքի վարչական կենտրոն՝ բնականաբար վերջինս լուծում էր միանգամից միջանի խնդիր.

- Վրացական միջավայր էր տեղափոխում Ջաւախքի վարչական-կառավարչական մարմինները, որոնց միջոցով Ջաւախքի՝ սեփական մեթոդներով եւ օրէնքներով ղեկավարումն անհամեմատ հեշտացում էր.

- Լիովին ապահովում էր տուեալ վարչական ղեկավար մարմիններում ազգութեամբ վրացի պաշտօնեաների ներկայութիւնը: Այդ գործընթացը արագ տարածուեց նաեւ կառավարչական ստորին օղակներում, եւ հայութիւնն իսպառ զրկուեց Ջաւախքի՝ սեփական երկրի ճակատագրի տնօրինման հնարատրութիւնից.

- Վրացականացումը Ախալցխայի նոյնքան վրացականացումը վարչական մարմինները լիարժէք երաշխիք էին՝ Ջաւախքում վերահսկելու ցանկացած գործընթաց եւ բացառելու վրացական կամքից անկախ արուղ հայութեան իրաքանչիւր քայլ:

Վարչական օղակների Ախալցխա տեղափոխումով Վրաստանն իրամբ Ջալալքի կառավարումը պարզապես խլեց հայերի ձեռքից: Եւ այստեղ ահա, Ջալալքի քաղաքական գործիչները, ստեղծուած իրավիճակից սարսափահար, պայքար էին ծաւալել՝ վրացականացուող Ախալցխայից «փրկելու» ինչ-ինչ վարչական հաստատութիւններ: Քաղաքական կամքի քացակայութեան պայմաններում Ախալցխան փրկելու փոխարէն «փրկուելու» էին ինչ-ինչ վարչական օղակներ:

Իրականում Ախալցխան, հանդիսանալով ե՛ւ Թիֆլիս-Ալեքսանդրապոլ-Ախալցխա-Շուշի հայոց երբեմնի քաղաքակրթական հզօր քառանկիւնու չորրորդ անկիւնը, ե՛ւ ներկայումս վարչաքաղաքական եւ ռազմագիտական իմաստով խոշոր նշանակութեան կենտրոն, անփոխարինելի նշանակութիւն ունի ինչպէս Ջալալքի յարատեւ զարգացման, այնպէս էլ ՀՀ՝ դէպի արտաքին աշխարհ անվտանգ ելքի ապահովման գործում: Այս հանգամանքն ինչ-որ տեղ գիտակցել են Ջալալքի տուեալ ժամանակի գործիչները. այդ է վկայում նման բովանդակութիւն պարունակող գրութիւնների գոյութիւնը, սակայն քաղաքական մթնոլորտում տիրող քաոսը մշուշով էր պատել ամէն ինչ: Ջալալքի քաղաքական գործիչների վերոնշեալ ջալլամի քաղաքականութիւնը յանգեցրեց նրան, որ այդպէս էլ չձեւատրուեց Ախալցխան վերահայացնելու, Ջալալքը ինքնավար ճանապարհով տանելու եւ Ախալցխան տուեալ ինքնավարութեան վարչական կենտրոն (մայրաքաղաք) հռչակելու ուղղութիւնը: Իսկ ինքնուրոյն զարգացող տարածաշրջանի համար վայրկեանների խնդիր էր տարբեր շրջաններում տեղակայել վարչական մարմիններ:

ԵԶՐԱՓԱԿՈՒՄ

Ջալալքի նահանգային-վարչական կառուցուածքը ներկայումս մօտատրապէս նոյնն է՝ որոշ կառուցուածքային փոփոխութիւններով: Նահանգային կենտրոնն Ախալցխան վրացի պաշտօնեաներով հանդերձ իր ձեռքում է կենտրոնացրել գրեթէ բոլոր վարչական հաստատութիւնները: Ջալալքի տարբեր մասերից հնչող հայութեան ծայնն այդպէս էլ լսող չկայ այնտեղ:

Ախալցխայում է կենտրոնացուած Վրաստանի հարկային ոլորտը համադրող գերատեսչութեան տարածաշրջանային կենտրոնը. առանձին շրջանների (օրինակ՝ Ախալքալաքի) հարկային տեսչութեան ղեկավարը ընդամէնը հանդիսանում է Ախալցխայի՝ տուեալ հիմնարկի վրացի ղեկավարի տեղակալը: Ախալցխայում են գտնուում Վրաստանի Ներքին Գործերի Նախարարութեան (ՆԳՆ) մի շարք ոլորտները համադրող բաժանմունքի գլխաւոր վարչութիւնները, իսկ առանձին շրջաններ ունեն իրենց վարչութիւնները, որոնք բոլորը ենթակալ են Ախալցխային⁴¹:

ինչպես տեսնում ենք՝ գրեթե բոլոր ուժային կառույցները կենտրոնացում են Ախալցխայում: Հակառակ այս կառուցումաձրային օրինաչափությանը՝ ՆԳՆի ոլորտային մէկ հիմնարկութեան՝ պետանվտանգութեան խոշոր ստորաբաժանումը գտնուում է Ախալքալաք քաղաքում, ինչը ինքնին խօսում է ջաւախհայութեան հանդէպ Վրաստանի իշխանութիւնների մօտ առկայ որոշակի անվտանգութեան մասին:

Առանձին վարչական հաստատութիւններ անմիջապէս կապուած են տուեալ ոլորտը համակարգող նախարարութեան հետ եւ իշխանութիւններն այն չեն կենտրոնացնում Ախալցխայի «խողովակով»: Այդպիսի հաստատութիւններից են քաղաքապետարանների (շրջանների) կրթական աղբիւր կենտրոնները (սովետական նախկին շրջանային ժողկրթբաժինները), տեղական ինքնակառավարման մարմինները, անձնագրային ծառայութիւնները են.: Իդէպ, վերջին հաստատութիւնը երկար տարիներ եղել է ՆԳՆ համակարգում եւ գտնուել Ախալցխայում: Բնակչութեան դիմում-բողոքների արդիւնքում երկար տարիներ ի վեր իբր եղել է որոշում, որ Ախալքալաքում, ի թիւս այլ բաժինների, ստեղծուէր նաեւ անձնագրային բաժին: Սակայն տարիներ շարունակ Ջաւախքի բնակչութիւնը շարունակում էր արտերկիր մեկնելու անձնագիր ստանալ Ախալցխայից, իսկ Ախալքալաքում տրուում էին միայն տեղական անձնագրեր⁴²: Իսկ այս կապակցութեամբ Ախալքալաքի ոստիկանութեան անձնագրային բաժնի աշխատակիցները «մշակել էին» «ժողովրդի վիճակը թեթեւացնելուն ուղղուած» մեխանիզմ. վերցնելով քաղաքացուց մօտ 120-150 դոլար (այն դէպքում, երբ անձնագրի պետական արժէքը ընդամէնը 35 վրացական լարի էր (կամ, ատենի փոխարժէքով, մօտ 16 դոլար), վերջիններս անձնագրերն Ախալցխայից շտապ հասցնում էին Ախալքալաք:

Իրավիճակը փոխուեց, երբ Վրաստանում 2003ին վարդերի յեղափոխութիւնից յետոյ տեղի ունեցած կառուցումաձրային փոփոխութիւններից յետոյ անձնագրային ծառայութիւնը ՆԳՆից անցաւ Արդարադատութեան Նախարարութեան իրաաստութեան ներքոյ: Այդ ընթացքում անձնագրային ծառայութեան գրասենեակներ, բացի նահանգային կենտրոններից, բացուեցին նաեւ նախկին խորհրդային բոլոր շրջաններում⁴³:

Ջաւախք տարածաշրջանը, յետխորհրդային ժամանակահատուածում վարչատարածքային, ինչպէս նաեւ պետական հաստատութիւնների տեղաբաշխման այսպիսի ճակատագրի արժանանալով, այսօր էլ դեռեւս այդ հողի վրայ գտնուում է անորոշ վիճակի մէջ: Հայկական շրջանակներում Ջաւախքի նկատմամբ հայեցակարգի բացակայութիւնը անժամկէտօրէն կարող է երկարացնել այդ անորոշ վիճակը:

- ¹ Էդուարդ Շեարդնաձե Մոսկուայից Վրաստան վերադարձաւ 1992 Մարտին եւ նշանակուեց երկրի ժամանակատու ղեկավար մարմնի՝ պետական խորհրդի նախագահ, իսկ Նոյեմբերի 4ին ստանձնեց Վրաստանի խորհրդարանի նախագահի պաշտօնը: Շուտով խորհրդարանի կողմից ստեղծուեց նոր՝ երկրի ղեկավարի պաշտօնը, եւ նա 1992 Նոյեմբերի 6ից մինչեւ 1995 Նոյեմբերը, մինչ նախագահի պաշտօնի վերականգնումն ու նոր նախագահական ընտրութիւններուն յաղթանակ տանելը (Նոյեմբերի 5), ստանձնեց երկրի ղեկավարի պաշտօնը:
- ² Վահէ Սարգսեան, «Վրաստանի Վարչատարածքային Բաժանման Պատմութիւնից», *Ջաւախքը 1988–2008 թթ. (Յօդուածների ժողովածու)*, Երեւան, «Միտք» վերլուծական կենտրոն, 2009, էջ՝ 153-9:
- ³ «Կոչ՝ Ուղղուած Ջաւախքցիներին», *Ջաւախք*, թիւ 1 (38), Փետրուար 1997:
- ⁴ «Ջաւախքը Յանկանում է Նոր Կարգավիճակ Ստանալ», *Ազգ*, 2 Օգոստոս 1995:
- ⁵ Դա պարզ երեսում է նրանց ծրագրերի մէջ, երբ Ջաւախքը մէկ նոյնացում է Ախալքալաքի, Բոգղանովկայի, որոշ ղեպքերում նաեւ Ասպինձայի շրջանների հետ, իսկ շատ անգամ դրանց «աւելանում են» նաեւ Ախալցխան, Աղիգէնը, շատ անգամ՝ նաեւ Ծալկան («Ջաւախք» ժողովրդական շարժում կազմակերպութեան խորհրդի՝ «Գաղափարական-քաղաքական արտաքին յարաբերութիւնների» յանձնախմբի ծրագրային դրոյթներ՝ հաստատուած ԶԺՀի նախագահութեան նիստի կողմից, 13-14 Յուլիսի, 1994, ք. Ախալքալաք):
- ⁶ «Վրաստանի Մարդու Իրաւունքների եւ Ազգամիջեան Յարաբերութիւնների Կոմիտէի Արտագնայ Նիստը Ախալքալաքում», *Վրաստան*, 19 Օգոստոս 1995: Աւելացնեք նաեւ, որ 1995 Յուլիսին ԶԺՀն դիմեց վերոնշեալ կազմակերպութիւններին՝ վերջիններս կոչ անելով համախմբուել եւ ստեղծել մէկ ընդհանուր կենտրոնացուած ղեկավար օրգան (համադրող խորհուրդ): Համադրող խորհուրդը կեանքի կոչուեց 1995 Յուլիս ամսին: Ղեկավար այս մարմինը միատրում էր քաղաքական աշխատանքի բաւարար փորձ ունեցող, շրջանում լայն հեղինակութիւն վայելող 21 գործիչների: Համադրող խորհրդի նախագահ ընտրուեց Իսահակ Աբրահամեանը, տեղակալներ՝ Եւրի Թաւաճաճեանը, Սամուէլ Պետրոսեանը, քարտուղար՝ Մկրտիչ Խաչատրեանը («Համադրող խորհուրդը Օրոյայ Հրամայականն է», *Ջաւախք*, Յուլիս 1995, N 6 (12)). նաեւ՝ «Ստեղծուեց Համադրող խորհուրդ», *Ջաւախք*, Յուլիս, 1995, N 7 (13): Այդուհետեւ շատ դիմումներ, որոշումներ եւ այլ փաստաթղթեր ընդունում էին հենց այս խորհրդի կողմից:
- ⁷ “Листок опроса, общественного мнения о статусе Джавахетского региона для внесения в проектной Конституции Республики Грузия” (Հարցաթերթիկ, Ջաւախքի տարածաշրջանի կարգավիճակի մասին հանրային կարծիքը Վրաստանի Հանրապետութեան նոր սահմանադրութեան նախագծի մէջ ներառելու համար), հմմտ.՝ «Անց է Կացում Հանրային Հարցում», *Ջաւախք*, Յուլիս 1995, N 7 (13):
- ⁸ «Որքանով է Վրաստանի Նոր Սահմանադրութիւնը Բաւարարում Ջաւախքահայութեանը», *Ազգ*, 29 Օգոստոս 1995. նաեւ՝ «Ճանապարհ Դէպի Ջաւախք», *Ազգ*, 2 Սեպտեմբեր 1995:

⁹ Ախալցխան Ախալքալաքից հեռու է մօտ 70 կմ խիստ դժուարանցանելի, քայքայ-
ուած ճանապարհով, չհաշուած Ախալքալաքի հեռու-հեռատուր գիւղերը են. («Ջա-
ախքին Վերաբերող Հարցը Ջաախքցուն Օտար Չէ», *Ջաախք, Պաշտօնաթերթ*
«Ջաախք» ժողովրդական Շարժման, N 1(7), Փետրուար 1995):

¹⁰ Նոյն:

¹¹ «Ժողովուրդն Իրատմանի Ուտնահարում Թոյլ Չի Տայ», *Ազատամարտ*, թիւ 43,
Սեպտեմբեր 1994: Հմտ.՝ «Դիմում Վրաստանի Պետութեան Ղեկավար Պ-ն Էդ.
Ա. Շեարդնաձէին», *Ջաախք*, Սեպտեմբեր 1994, N 2(4): Լրացուցիչ նշենք, որ
ՁԺՀի ներկայացուցիչների, Համադրող Խորհրդի, շրջանային վարչական այլ
աշխատակիցների կողմից Շեարդնաձէին եւ երկրի խորհրդարանին են ներկա-
յացուել բազմապիսի եւ բազմաբնոյթ այնպիսի նամակներ, խնդրագրեր ու պա-
հանջագրեր, որտեղ դարձեալ ու դարձեալ «ոչ» էր ասում պետութեան ղեկավա-
րի՝ նահանգային կառուցումների վերաբերեալ այսպիսի նախաձեռնութեանը:
Ջաախքում բազմաթիւ գործիչների հաաքներում նոյնպէս մշտապէս օրակարգի
հրատապ կէտ է եղել պետութեան ղեկավարի թիւ 237 հրամանագիրը: Միա-
ժամանակ, Ջաախքի քաղաքական գործիչների կողմից ժամանակ առ ժամա-
նակ հրապարակւում էին յօդաածներ, որտեղ մանրամասն ներկայացւում էին
Ջաախքին ինքնավարութիւն տալու հարցի կարեւորութիւնը: Այս ամէնի մասին
կարելի է տեսնել տեղական մամուլում («Դիմում Վրաստանի Պետութեան Ղեկա-
վար Պ-ն Էդ. Ա. Շեարդնաձէին». «Համարեցին Անընդունելի», *Ջաախք*, Սեպ-
տեմբեր 1994, N 2 (4). «Ջաախքը՝ Սարդոստայնում», *Ջաախք*, Հոկտեմբեր 1994,
N 3 (5). «Համատեղ Խորհրդակցութիւն», *Ջաախք*, Նոյեմբեր 1994, N 4 (6).
«Ինքնավարութիւն՝ Իմաստի Իրաաքաղաքական Բովանդակութեան Եւ Ձեւերի
Մասին», *Ջաախք*, Յունիս 1995, N 6 (12). «Ջաախքի Տարածաշրջանի Սահմա-
նադրական Ստատուսի Նախագիծը», *Ջաախք*, Յուլիս 1995, N 7 (13). «Ինքնա-
վարութիւնը ժողովրդավարութեան Հրամայականն է», *Ջաախք*, Օգոստոս,
1995, N 8 (14). «ՁՀԲԿԿԻ-ի Դիմումը Վրաստանի Պետութեան Ղեկավար Պր-ն
Է. Ա. Շեարդնաձէին», *Ջաախք*, Սեպտեմբեր 1995, N 9 (15). «Ջաախք՝ ԺՀ-ի
Խորհրդի Նիստը» եւ «Կրքեր Բորբոքուցին, Եւ Դա Անցողիկ Չէ (Շրջանի Ակ-
տիւի Ժողովը)», *Ջաախք*, *Ախալքալաքի Շրջանի «Արշալոյս» Կրթամշակութային*
եւ *Բարեգործական Կազմակերպութեան Պաշտօնաթերթ*, Օգոստոս 1994, N 1:

¹² Обращение – Координационного совета общественно-политических
организации Джавахка: президенту Грузии г-ну Э. А. Шеварднадзе,
председателю парламента г-ну З.Жвания, г. Ахалкалаки (Ջաախքի
Հասարակական-Քաղաքական Կազմակերպութիւնների Համադրող Խորհրդի
դիմումը Վրաստանի նախագահ պ-ն Է. Ա. Շեարդնաձէին, խորհրդարանի
նախագահ պ-ն Չ. Ժվանիային, ք. Ախալքալաք):

¹³ Նոյն:

¹⁴ *Ջաախք*, թիւ 1 (18), Փետրուար 1997. հմտ.՝ նոյն, թիւ 1, Օգոստոս, 1998:

¹⁵ Координационный Совет общественно-политических организации Джавахка,
Обращение – парламентским делегациям Армении и Грузии, 7 апреля, 1997г., г.
Ахалкалаки (Ջաախքի Հասարակական-Քաղաքական Կազմակերպութիւնների

- Համադրող հորհուրդ, դիմում Վրաստանի եւ Հայաստանի խորհրդարանական պատուիրակութիւններին, 7 Ապրիլի, 1997, ք. Ախալքալաք):
- ¹⁶ Նոյն:
- ¹⁷ *Ջաախք*, թիւ 1 (18), Փետրոսար 1997:
- ¹⁸ Նոյն:
- ¹⁹ Координационный Совет общественно-политических организаций и движения Джавахети, Открытое письмо – председателю Ахалкалакского районного правления господину Дарбиняну С.Т., 12 марта, 1997г., г. Ахалкалаки. (Ջաախքի Հասարակական-Քաղաքական Կազմակերպութիւնների եւ Շարժմաների Համադրող հորհուրդ, Բաց նամակ Ախալքալաքի Շրջանի վարչութեան ղեկավար պ-ն Ս. Տ. Դարբինեանին, 12 Մարտի, 1997, ք. Ախալքալաք):
- ²⁰ *Ջաախք*, թիւ 1 (18), Փետրոսար 1997:
- ²¹ Նոյն:
- ²² Փաստաթուղթ. «Ջաախքի Հասարակական-Քաղաքական Կազմակերպութիւնների Համադրող հորհուրդ, Ջաախքի Հիմնահարցի Լուծման Մարտավարութիւն (նախագիծ), 25.04.1997 թ., ք. Ախալքալաք»:
- ²³ Նոյն:
- ²⁴ Նոյն:
- ²⁵ *Ջաախք*, թիւ 1 (18), Փետրոսար 1997:
- ²⁶ «Հայն Ու Վրացին Պիտի Ամրապնդեն Դարերից եկող Բարեկամութիւնը (Հարցազրոյց «Ջաախք» ժողովրդական Շարժման Ղեկավար Ստեփան Յակոբեանի Հետ)», *Հայաստանի Հանրապետութիւն*, 4 Փետրոսար 1999:
- ²⁷ «Ջաախքի Ինքնավար Հանրապետութեան Ապագայ Սահմանադրութեան Հիմնադրոյթները», *Ջաախք*, թիւ 2 (20), Օգոստոս 1998:
- ²⁸ Грузия, Самцхе-Джавахетия и "тюркское кольцо" вокруг Армении (Վրաստան, Սամցխէ-Ջաախքը եւ «Թիւրքական Օղակը» Հայաստանի շուրջ), <https://regnum.ru/news/202173.html> :
- ²⁹ Обращение – Координационного совета общественно:
- ³⁰ Փաստաթուղթ. «Ջաախքի Հասարակական-Քաղաքական»:
- ³¹ *Ջաախք*, թիւ 1 (18), Փետրոսար 1997:
- ³² Грузия, Самцхе-Джавахетия:
- ³³ «Կոչ Ուղղում Ջաախքցիներին», *Ջաախք*, թիւ 1 (19), Օգոստոս 1998:
- ³⁴ *Ջաախք*, թիւ 2 (20), Օգոստոս 1998:
- ³⁵ Նոյն:
- ³⁶ «Ջաախքի Ինքնավար Հանրապետութեան Ապագայ Սահմանադրութեան Հիմնադրոյթները», *Ջաախք*, թիւ 2, (20), Օգոստոս 1998:
- ³⁷ Առաջին համաժողովը (11 Դեկտեմբեր 2004) նուիրում էր խնդրոյ առարկայ տարածաշրջանի սոցիալ-տնտեսական խնդիրներին, երկրորդը (2 Ապրիլ 2005)՝ կրթամշակութային խնդիրներին եւ երրորդը (24 Սեպտեմբեր 2005)՝ Վրաստանի պետական կառուցումը Ջաախքի կարգավիճակի խնդրին:
- ³⁸ Վրաստանի սահմանադրութեան նշեալ յօդուածի առաջին ենթակէտի պարունակութիւնը հետեւեալն է. «Յօդուած 3. 1. Վրաստանի բարձրագոյն պետական

մարմինների բացառիկ իրաաստիքանը վերաբերում են. Ա) Վրաստանի քաղաքացիության օրենքը, մարդու իրաունքների եւ ազատութան մասին, արտաքաղթի եւ ներգաղթի, ելքի եւ մուտքի, այլ երկրի կամ քաղաքացիութիւն չունեցող անձանց ժամանակատր կամ մշտական կացութիւնը Վրաստանում, Բ) Վրաստանի կարգավիճակի որոշումը, պետական սահմանի կարգն ու պահպանութիւնը, սահմանային ջրերի կարգավիճակն ու պահպանութիւնը, օդային տարածքը, մայրցամաքային շէնքը եւ յատուկ տնտեսական գօտին, Գ) պետութեան պաշտպանութիւնը եւ անվտանգութիւնը, զինուած ուժերը, ռազմական արդիւնաբերութիւնը եւ զէնքի վաճառքը, Դ) պատերազմի եւ խաղաղութեան հարցերը, արտակարգ եւ ռազմական իրաական դրութեան ռեժիմի հաստատումը եւ դրանց կիրառումը, Ե) ներքին քաղաքականութիւնը եւ միջազգային յարաբերութիւնները, Զ) արտաքին առեւտուրը, մաքսային եւ սակազնային ռեժիմը, Է) պետական քիւլէն եւ պետական պարտքերը, մետաղադրամների հատումը, բանկային, վարկային, ապահովագրական եւ հարկային օրէնսդրութիւնը, Ը) էտալոններն ու նորմաները, երկրաբաշխութիւնն ու քարտէզագրութիւնը, ճիշտ ժամանակի կարգաւորումը, պետական վիճակագրութիւնները, Թ) միացեալ էներգիայի համակարգը եւ դրա ռեժիմը, կապը, առեւտրային նաատորմը, նաւերի դրօշները, համապետական նաաահանգիստների նշանակութիւնը, օդանաակայանները եւ օդակայանները, օդային տարածքի, տարանցիկութեան եւ օդային փոխադրամիջոցի վերահսկումը, օդային փոխադրամիջոցի գրանցումը, օդերեւութաբանական ծառայութիւնը, շրջակայ միջավայրի իրավիճակի վերահսկողութեան համակարգը, Ժ) համապետական նշանակութեան երկաթգծերն ու աւտօճանապարհները, Ի) ձկնորսութիւնը ովկիանոսում եւ բաց ծովում, Լ) սահմանամերձ-սանիտարական պահպանաջոկատները, Խ) դեղորայքի օրէնսդրութիւնը, Ծ) բարձրագոյն ուսումնական հաստատութիւնների որակաւորումն ու հաատարմագրումը, ակադեմիական, գիտական, մասնագիտական կոչումների եւ դասային աստիճանների շնորհման օրէնսդրութիւնը, Կ) մատուր սեփականութեան օրէնսդրութիւնը, Կ) առեւտրային, քրէական, քաղաքացիական, վարչական, աշխատանքային իրաունքի օրէնսդրութիւնը, պատժի կիրառման օրէնսդրութիւնը եւ դատաւարական օրէնսդրութիւնը, Զ) քրէական ոստիկանութիւնն ու հետաքննութիւնը, Դ) հողի, ստորերկրեայ եւ բնական պաշարների օրէնսդրութիւնը» (Վրաստանի սահմանադրութիւն (յատուկ թողարկում), Թբիլիսի, 2005 (վրացերէն):

³⁹ Վահէ Սարգեան, *Սամցխէ-Ջաախը-Թոեղը Հայ-Վրացական Յարաբերութիւնների Հոլովոյթում (1980-ական թթ. Վերջ-1990-ական թթ.)*, Երեւան, ՀՀ ԳԱԱ Պատմութեան Ինստիտուտ, 2006, էջ՝ 354-5:

⁴⁰ <http://www.panorama.am/am/society/2008/08/20/javaxyq/?sw>:

⁴¹ Տե՛ս՝ Վրաստանի ՆԳՆ պաշտօնական կայքէջի (<http://police.ge/>) համապատասխան բաժինները:

⁴² «Ունահարում են Ջաախըքիների Իրաունքները: Ինչպէս են Ջաախըքում Անձնագիր Ստանում», *Երկիր*, 2 Սեպտեմբեր 1998:

⁴³ Հետաքրքրական է, որ 2005 Մարտին Ախալքալաքի անձնագրային վարչութեան բացումը, Ջաախքի քաղաքական ուժերից՝ «Միասնական Ջաախք» ժո-

ղվորդավարական դաշինքը (հիմնում 2005) համարում է իր՝ այդ ուղղութեամբ մղած պայքարի արդիւնք (Վ. Սարգսեան, «Շարժումների, Միութիւնների եւ Հասարակական Կազմակերպութիւնների Դերը Սամցխէ-Ջաւախք-Յալկա Տարածաշրջանի 20-Ամեայ (1988–2008 թթ.) Քաղաքական Կեանքում», *Ջաւախքը 1988-2008 թթ. (Յօդուածների Ժողովածու)*, Երեւան, «Միտք» Վերլուծական Կենտրոն, 2009, էջ 240:

DJAVAKHK AND
POST-SOVIET GEORGIAN ADMINISTRATIVE-TERRITORIAL DIVISIONS
(Summary)

VAHE SARKSIAN
javakhk1913@gmail.com

Like many post-Soviet states, post-Soviet Georgia redrew its administrative territorial regions. The state was divided into 11 districts. The Armenian-populated southern areas were basically incorporated into the newly created Samtskhe-Djavakhk district. However, the district did not include the mostly Armenian-populated Dzalka region (the Tregkh kavar of the Gugark state of Historical Medz Hayk). The latter was incorporated into the mostly Azeri-populated Kvemo Kartli District.

The Djavakhk Armenians rejected the Georgian leader Edward Shevardnadze's July 31, 1994 decree 237, whereby the Samtskhe-Djavakhk district was established. They opposed the Georgian leadership and criticized the decision to incorporate parts of Djavakhk (Akhalkalak and Ninodzimta [aka Bogdanovka] under another district (Akhalkalak and surrounding areas). However, the Djavakhk Armenian activists and civil society groups did not produce any unified administrative-territorial counter suggestion, neither did they produce any unified theoretical framework. A similar chaotic situation existed when there were demands and suggestions for autonomy concerning the Djavakhk area. Eventually no positive steps were taken in the educational-cultural and socio-economic spheres, nor for the administrative-territorial aspect and the granting of autonomy to Djavakhk within the Georgian state.